

## КОМСОМОЛЬСКИЙ КЕМЕ АКТИВЪ ИНКСА

Июнь 11-це шистонза ВЛКСМ-нь ЦК-ть XI-це пленумоц аделазе эсь работанц.

Кизефксне, конат путфт пленумъ инголе аф случайнайхть, синь путфт эсь пингстост.

ВЛКСМ-нь ЦК-ть секретаренц Михайлов ялгать докладстонза няеви, кодама оцю сатфкст сатсь мекольден пингть эзда Ленинско-Сталинский комсомолсь численнай составсонза, активностень касомасонза, од ломаттнень йоткса влияниенц и авангарднай роленц касоманц эса.

Однако, комсомолть государственной деятельности успеши пняк шорси организационнай работань аф сатыксь—од ломаттнень касф активностенон организован-дамаса аф маштомась и лама инициативнай начинанияснон аф кемокснемасна.

Оцю тормозкс комсомолть работаса ульсь платнай оцю аппаратсь.

Бюрократизмась и канцелярский методонь руководствась комсомольский аппарата каннесть серьезнай ущерб воспитанию тевти, аерфнезь комсомолецнень активнай работать эзда и лафчепнезь внутрисюзной дисциплина.

Платнай аппаратонь сокращениась максы оцю возможность самодеятельностень активити участия оцю прават массово-политический и воспитательнай работать цебарьгофтомаса.

И аф случайна Михайлов ялгась эсь докладсонза подчеркивает, што самодеятельностень активити руководствати таргама арси тьяи основнай и главнай кизефксокс эрь комсомольский организации. Стало быть эрь комсомольский руководители эряви шарьхкодемс, што коса маштыхть активити касфтома и тарксема сонь деятельнай работас, тоса ули кеме соткс массатнень мархта и созидательнай работа, иба комсомолть эса ули стама активнай виень родник, кона способнай пашкодемс большевистский партиять любой заданиянц.

ВЛКСМ-нь ЦК-ть XI-це пленумонц решениянза путнихть эрь комсомольский организациять инголи оцю задачат заседательский суетнять и канцелярский бумажнай творчество машфтоманц колга. Смелста тарксемс руководствати самодеятельностень активити. Тянь мархта сядонга вишкотьсась коммунистический воспитания од ломаттнень йоткса, тянь мархта сядонга плодотворнай и многограннай ули Ленинско-Сталинский комсомолть работац.

## Москуву састь Великобританиять, Франциять и Италиять посолсна

Июнь 12-це шистонза Москуву састь: Великобританиять Чрезвычайнай и Полномочнай од Посолоц Стафорд Криппс господинц, Франциять Чрезвычайнай и Полномочнай Посолоц Лаббон господинц, Италиять Чрезвычайнай и Полномочнай посолоц Россо господинц.

(ТАСС).

## 1941 кизоня Всесоюзной сельскохозяйственной выставкаты

### мольфтеманц колга

СССР-нь Совнаркомсь и ВКП(б)-нь ЦК-сь постановили мольфтемс Всесоюзной сельхозвыставкаты 1941 кизонявок. Премиянь и наградань сембе витне, конат ладафт СССР-нь Совнаркомъ и ВКП(б)-нь ЦК-ть „1940 кизоня

Всесоюзная сельхозвыставка участникенди премиятнень и наградатнень колга“ постановлениянон коряс, ванфневихть 1941 кизоня выставкань участникендиге.

(ТАСС).

## ВЛКСМ-нь ЦК-ть XI пленумоц

Июнь 11-це шистонза аделазе эсь работанц ВЛКСМ-нь ЦК-ть XI пленумоц, конац мольсь 5 шит. Пленумса обсуждадасть тяфтама кизефкст:

Комсомольский активити мархта работать цебарьгофтоманц и комсомольский аппаратъ работанц соответствующай перестройканц колга.

Комсомольский организационень эса членский взносонь пандомать состояниенц колга.

Колхознай комсомольский организациятнень работаснон колга колхоснень эса водоемонь строямать коряс.

Сембе обсуждадаф кизефкснень коряс пленумсь примась решеният.

## Обсуждадакшнесазь ВЛКСМ-нь ЦК-ть XI-це

### пленумонц материалонзон

Оживленнайста моли обсуждениась ВЛКСМ-нь ЦК-ть пленумонц материалонзон коряс Ромодановский райононь комсомольский организациятнень эса.

Комсомольский активистне эсь выступлениясост одобряют пленумть эса обсуждадаф кизефкснень. „Новая жизнь“ колхозонь комсомолецъ Кожвалов ялгась эсь выступлениясонза кемоста критиковандазе комсомольский организациянь секретартъ, сяс мес лафчста ладаф комсомолецнень йоткса дисциплинась, самодеятель-

ностень активити мархта сотксь. Тя организациять эса кой-кона комсомолецне кафтонь-колмонь ков ашесть панда комсомольский взност.

Тяфта жа активнайста йотась комсомольский собраниясь Инсарский педучилищаса. Сянь инкса, штоба цебарьняста ознакомить эрь комсомолецъ ВЛКСМ-нь ЦК-ть XI-це пленумонц решениянзон мархта, ВЛКСМ-нь Инсарский райкомсь эсь активстонза кучсь эрь комсомольский организацияв представителхть.

## Аноклайхть съоронь урядама кампанияти

Тядень кизось надияфни оцю урожай. Но тя оцю урожайтьке можна имафтомс, кда аф сатомшка анокламс сонь урядаманцты.

Ся условиятнень, конат эривихть оцю урожайнь получамать инкса, пняк лац шарьхкодезень М. Азяста „Новая жизнь“ колхозсь. Тяса районца васенда аделаф тундань видеамась. И тьяи вишкста моли съора урядамати

анокламась. Уборочнай инвентарсь, кода жнейкатне, повозкатне и сбруйсь, пцтай сембе ни петьфт.

Колхозникне эсь пуромксост азозь, што съора урядамась йотафтомс станя жа курокаста, кода йотафтф и тундань видеамась.

Рыбкинский.

Рыбкинский район.

## Колхозсь аноклай съоронь урядамати

Сузгарьга велень „Од ки“ колхозсь пняк оцю работа йотафни съора урядама кампаниять сембе ширде анокла васьфтеманцты. Тяса колхозонь кузнецне пняк кунаракиге ни кярьмодсть самосброскатнень, лобогрейкатнень и лия уборочнай машинатнень петемаснонды, конац мольфневи стахановский методса.

Колхозть плотниконь бригадац тяфта жа мольфти работа колхознай повозкатнень срока инголе и цебарь качества петемаснон инкса. Плотниконь бригадась тьяиень шити петсь ни 13 фургон, 20 рыдван и 10 крандаст.

Съороть имафксфтома кочкаманцинкса колхозонь правлениять

йотафтсь ни практический лама мероприятия. Сон, например, анокласть ни сатомшка кяскафт и лия тарат.

Эряви тяфта жа азомс, што колхозонь правлениясь марса велень общественностть мархта пняк оцю мьял шарфнихть колхозникнень и колхозницатнень культурнай обслуживанияснондыге.

Колхознай агитаторхне Фадеев, П. Трошев, Сулеев и лиятне колхозникнень йоткса фалу лувондыхть газетат и йотафнихть беседат. Тяда башка колхознай клубса тиендевихть докладт и путневихть пьесат.

Сараев.

Рузаевкань район.



СНИМКАСА: Курский средний школань 10-це классонь учениксь, снайпер комсомолецъ Евгений Сидоровсь.  
(ТАСС-ть фото-клишец).

## Аф ули фкявок колхоз водоемфтома

(Телефон вельде)

Оцю мьялса Краснослободский райононь колхозникне обсуждають Таловский райононь „Железнодорожник“ колхозста колхозникнень водоемонь тиёмать колга обращениснон. Од Усадонь велень советста „Новая жизнь“ колхозонь колхозникне комсомольский организациять инициативанц коряс эсь собраниясост арьсесть строямс од плотина, конац кармай орашандакшнеча 30 гектарда лама колхозниконь пере и 25 гектар колхознай каньф васта. Плотина тиемаса работай 47 ломань, конатнень йоткса 12 комсомолец. Работань ся темпнень коряс, конатнень няфнесазь тя работаса, плотинась ули аделаф июнь 15-це шивцты.

Тяфта жа вишкста молихть работатне водоемонь тиёмаса „Каганович“ и лама иля колхозсонга. „Каганович“ колхозса аделакшневи ни прудямда прудсь, коза курокаст нолдайхть карп калхт. Тяфтама кал молят колхозсь рамасть ни.

Сембе районца 6 колхозст маластонь пингть нолдайхть эсь прудезост карп калхт.

Будин, ВЛКСМ-нь Краснослободский райкомть секретарен.

## Пняк оцю и важнай тев

Колхоснень эса водоемонь тиёмась тевсь аф анычек сонценъ колхозть, а тя государственнай, общенароднай тев. Аф случайна, што тя мероприятие мусь всеобщай одобрения и поддержка сембе советский народть ширде. Минь республикасонк колхоснень ламоснон эса водоемонь тиёмаса инициативась ащи комсомольский организации. Июнь 7-це шистонза ВЛКСМ-нь Ст.-Синдровский райкомсь, ваномок б у р о т ь заседаниясонза водоемонь тиёмать колга кизефксть, кучсь первичнай организациятненьди лездома 16 комсомолец райактивити эзда.

Тяни районца лама колхозга ни строявихть водоемт. Голованова, Ст.-Синдровский район.



## РОНО-сѢ ОБЯЗАТЕЛЬСТВАНЗОН АФ ПЯШКОТЪКШНЕСЫНЕ

Договорс коря Атемарский средний школатъ строительства должен улемс аделаф и максф эксплуатацияс нинге 1939 кизоня, но сяс мес заказчикс, саранский РОНО-сѢ, эсь договорнай обяза- тельстванзон ашезень пяшкотъкш- не, строительствас эста ульс сязьф.

1940 кизоня графикс коря сем- бе строительнай работатне, кода, например, кияксонь и вальмянъ тиемась, галанканъ марамась, сте- натненъ штукатуркасна и ст. тов должетт йотафневомс пяк куро- кста, но строительствас тьянъ тиемс алак макст кодамовок условият. Тяс нинге алак ушетт основной работатне.

Кие жа конкретнай виновникс школьной строительствас сязема- са? Ответс фкя: Саранский РОНО-сѢ (заказчикс), конад эсь договорнай обяза- тельстванзон йотай кизотъ лаца жа тядденге аф пяшкотъкшнесыне. Например, строительнай материалонъ усксе- манъ графикт коряс заказчикс стройплощадкав должен анокламс срокс (фондовой и местнай) тяф- тама строительнай материалхт: апрельт 20-це шинцты должен ускомс 500 кубометра шувар, а майт 22-це шинцты ускф аныцк 12 кубометра. Апрельста эряволь анокламс 70 тонна известь, но сонъ эздонза алак аноклак фкявок килограмма, хотя известь тязк, Атемар велеса. Пиломатериалда февраль—апрель кофненъ эзда эряволь анокламс 300 кубометра, но тичиень шити сонъ эздонза алак аноклак фкявок кубометра. Лесоматериалда эряволь ускомс 160 кубометра, конавъ эзда тяфта жа алак аноклак фкявок кубомет- ра, а вдь материалс омбоце ковс наксаткши Саранск станциянъ тупикса. Тяфта жа тевс ащи лия материалонъ анокламасовок.

Строительствас тяфтама каль- дяв состояният колга подряд- чикс аф вест пачфнесъ куля МАССР-нъ Наркомпростиге, но ме- кольцесъ тяфтама преступнай фактненъ эзда изъ тие кодамо- вок вывод.

И. Челмакин.

Саранский район.



Кизода инголе нолдаф эксплуатацияс Ростовский автосборочнай заводсѢ. Тя кизоста заводт коллективоц марнек ос- воил эсь предприятиясон мощностенъ.

СНИМКАСА: Заводонъ главнай конвей- еронъ стахановкасѢ-комсомолкасѢ К. Л. Кривоносова ялгасъ работаса. Кривоно- сова ялгасъ тонадозень сборочнай про- цессонъ сембе специальностненъ.

(Фото-клишесѢ ТАСС-тѢ).



## Аныцек цебарьста и отличнайста

Од Выселка велень 'средний школанъ 10-це классикне испы- таниятненъ макссесазъ достойнай- ста. Письменна сочиненият пцтай сембе ученикне максозъ отличнай- ста и цебарьста.

Тяс ученикне няфнихт цебарь знаният лия дисциплинатненъ эсо- вок. 8-це „А“ классонъ ученикненъ эзда анатомият коряс кивок ашезъ получа кальдяв отметка. 6-це „А“ классонъ ученикне род- ной кяльт, алгебратъ, геогра- фият, ботаникатъ и лия дисцип- ливатненъ коряс испытаниятненъ максозъ пцтай 100 процентс це- барь и отличнай оценкасѢ.

И. Козеев, В. Общев.

3.-Полянскый район.

## Няфтьсазъ эсь талантснон

Штоба аноклафста васьфтемс идень творчестванъ Всесоюзнай олимпиадатъ, Саранск ошень 9-це № мокшанскый средний шко- ласа вятевы оцю работа тя кам- паният анокламаса.

Нинге тонафнема кизотъ уше- домстонзакиге школаса ульсѢ ор- ганизовандафт драматическый и хоровой кружокт. Ня кружокненъ эса члетьне тонафнесѢ народнай лама мокшенъ и эрзянъ морхт.

Испытаниятне \* \* \* образцовайста йотастъ Сире Маманя велень на- чальнай школасѢ. Тяс сембе уче- никне-выпускникне испытаният- ненъ максозъ образцовайста, синь эздост аш фкявок второгоник.

Ачайкин.

Рыбкинанъ район.

Сире Теризморга велень аф пол- ный средний школанъ выпускник- не, кода: Вазнина ОлясѢ, Каргин ФедясѢ, Ямашкин ГерасимсѢ и лиятне испытаниятненъ макссе- сазъ аныцек отличнайста. ТядѢ баш- ка нят ученикне максихт оцю лезкс эсь ялгасонды, штоба синь испытаниятненъ тяфта жа максо- лезъ отличнайста.

А. Овтина.

Сире Шайгованъ район.

## Шарфтомс мяль садтѢ шири

3.-Полянскый районца КалининтѢ лемса колхозтѢ ули пяк цебарь са- доц, но сонъ эсовза аш азор. СадтѢ эса озафнефт 60-да лама марлю, конат ащихт алак перяк, синь йотковаст якыхтѢ жувататне.

Мянь тичиень шити самс кол- хозтѢ руководителенза ашестѢ

кемокста сторож. Садса беспор- рядкатъ сюненда лама марлю коскестѢ.

Эряви шарфтомс сатомшка мяль колхозонъ руководителхненди, штоба маластонъ пингтѢ садса тиемс порядка.

Колхозник.

## Трудящайхненъ культурнай обслуживанияснон инкса

Мокша Мазканя велень изба-чи- тальняса избачекс работай В. Ми- ряшкин ялгасѢ. Сон эсь честнай работанц мархта цебарьста ладязе изба-читальнят работанц. Тяс планц коря йотафневихтѢ колхоз- никненъ и од ломаттненъ йоткса беседат, лувондовихтѢ газетат и журналхт.

Тунданъ видема кампаният пин- гста МирашкинцѢ оцю работа вятсѢ паксянъ тевса работай кол-

хозникненъ йоткса. Сон аккурат- найста яксѢ бригадатненъ эзга, лувонкшнесѢ газетат, журналхт и тиендсѢ беседат международнай положеният колга.

Мирашкин ялгасѢ корхтай: „Мон нинге сядонга цебарьста ладяса колхозникненъ йоткса массово-раз- числительнай работат сѢда товол- донъ эсь работазень пингста“.

Ефим Кудашкин.

Ст.-Синдровскый район.

## Аш культурно-массозай работа

Сейтяновка велень МичуринтѢ лемса колхозса первичнай комсо- мольскый организациясѢ, а тяфта жа колхозтѢ правленияц (предсе- дательсѢ КочкоровѢ) аф шарфнихт кодамовок мяль колхозникненъ йоткса культурно-массозай рабо- тат лангс. Беседат и читкат меж- дународнай положеният колга аф йотафневихтѢ.

Нинге сѢда кальдявста ащи тевсѢ стенной печаттѢ работаса. Редакционнай коллегиятѢ руко- водителец Учватов МихаилсѢ эсь тевонцты относится аф добросо- вестна. Сон ашезъ нолда фкявок стенгазета.

В. Добрый.

Рыбкинскый район.

## Противопожарнай инвентарсѢ аф анок

Пяк кальдявста ащи противопо- жарнай охрананъ работасѢ Ба- рановка велень „Пролетарий“ кол- хозса. Противопожарнай инвен- тарсѢ: боцкятне, багратне, насосне аф кондястихтѢ. Пожарнай сарай-

снон калафтозѢ уштомс.

Тя тевтѢ лангс велень советсѢ аф шарфни кодамовок мяль и аф примоси кодамовок мерат.

Татаров Григорий.

Атюрьевскый район.

## Западнай Европаса войнасѢ

Кода пачфни германскый инфор- мационнай бюросѢ, германскый наступлениясѢ, кона ушедсѢ июнтѢ 5-це шистонза Севернай ФранциятѢ побережьястонза сѢвомок Лаон ошти модемс, аделаф марнек. Фран- цузскый армиятне сембе фронттѢ эзга потайхтѢ. ИюнтѢ 12 шинцты французсенъ оборонительнай ли- ниясна, кона ащи Сомми лятьт сѢда южнай ширесонза, сѢвф. Француз- скый часттне йордафт Сена лятьт тона бокозонза. Раун ошсѢ гер- манскый армиятненъ кядьса. Немец- не ПарижтѢ эзда сѢда запад шире- ва йотастѢ лама вастова Сена лятьт турксонза. Германскый часттне пачкодтѢ СанлитѢ кафцѢ- ке ширеста, коса ащихтѢ ПарижтѢ арелямс ладяф позициятне.

Парижти илядсѢ аф 20 километ- рада лама.

Французскый армиятѢ частенза, конат вятсѢ тюрема Уаза-Эн ка- налтѢ и Маас лятьт йоткса, та- пафт и йордафт. Германскый вой- скатне занязѢ Реймс и Сюип ош- ненъ.

Сен-Валери районца (Ла-МанштѢ побережьясонза) кружаф фран- цузскый войсканъ группасѢ суд- натненди озамс аф кенерематѢ сю- неда капитулировандасѢ. Пленц повстѢ фкя французскый генерал —корпусонъ командир, фкя ан- глийскый дивизиянъ командир и французскый дивизиянъ 4 коман- дирхт. Пленвайнъ лувксѢ йотни 20, тѢожантѢ вельф.

(ТАСС).

## ИталиятѢ и англо-французскый блокѢ йоткса войнасѢ

ИюнтѢ 11-це шистонза пѢле вес- та ушедсѢ военной действият ФранциятѢ альпийскый граничан- зон эса, Тунисса и Средиземнай моряса. Итальянскый самолеттне вниоста бомбардировандазѢ Маль- татѢ (Средиземнай моряса англий- скый военно-морской база). Маль- татѢ маласа анлийскый и итальян- скый флоттненъ йоткса крвизсѢ морской тюрема. Африкаса италъ- янскый войскатне, конат ащихтѢ итальянскый Сомалиса и Абисси- нияса, йотазѢ анлийскый и фран- цузскый Сомалитненъ граничаснон.

Анлийскый авиациясѢ бомбар- дировандазень итальянскый вой- скатненъ восточнай Ливияса.

Французскый самолеттне бом- бардировандазѢ пункттненъ, конат ащихтѢ Лигурийскый побережьяса и Севернай Италияса.

Южно-африканскый союзонъ са- молеттне (анлийскый колония) бомбардировандазѢ Абиссинияса военной обѢкттненъ.

\* \* \*

Кода пачфни Рейтер агентст- васѢ, египетскый парламентсѢ кемокстазе Египетонъ премьер-ми- нистртѢ Али Махер-пашитѢ заяв- лениянц ИталиятѢ йоткса дипло- матическый отношениятненъ сѢзе- маснон колга.

(ТАСС).

## ИндиятѢ и ИталиятѢ йоткса обѢявленной война

Нью-Йоркста кулятненъ коряс, Индиянъ вице-корольсѢ Ливлит- гоу лордсѢ обѢявил война Ин- диятѢ и ИталиятѢ йоткса.

(ТАСС).

Ответ. редакторѢ заместителѢ И. ЧУДАЙКИН.